

Arabic

Cree

Dene

English

French

German

Hindi

Mandarin

Punjabi

Tagalog

Ukrainian

Urdu

masinahikan
ī-masinahikātīk
kahkithaw kīkway
ōma kāwī-pimahtāniwik
kita-nawasōniht onīkāniw
Kisiskāciwanihk 2024
pimipahtāniwiki.



Cree



SK 2024
VOTES

ispī pimipahtāniwiki Kisiskāciwanihk, ohcitaw poko ōho kita-pimitisahikātīki:



kākānātahk
kita-ohtaskānišīyan

18+

mitātaht āyināniyosāp
kitihtāhtwāskīwinīyan



Kisiskāciwanihk kita-wīkiyan
nikotwāsik pīsīm ī-moyi
pimipahtāniwik.

masinaha kiwithowin kita-pimipahtāyin

kīspin namowitha cīskwa kimasinahokawin, ohcitaw poko kita-masinahaman kiwithowin ī-moyi pimipahtāyin, niyāk ikwa mīna ispī ita pimipahtāniwiki.



kakī-itōtīn 1

ī-moyi pimipahtāyin,
masinaha kiwithowin anita
elections.sk.ca/register.



kakī-itōtīn 2

ispī nitawi-pimipahtāyini, masinaha kiwithowin.
ohcitaw poko kita-wāpahtithoskiyan kicīhamānis
ita kimasinipīsinowin kā-nōkwahk.

cīhamānis ita kā-masinahikātīk kiwithowin kā-wī-pimipahtāniwik

opimipahtāwak sāsaiy kā-masinahikātīthiki owihthowinowāwa kita-otihtikwak ācimowasinahikanis ī-moyi pimipahtāniwik. iyakow masinahikanis masinahikātīw ita kāwī-pimipahtāniwik, tānitahto k-ākimiht, ikwa mīna tānitahto tipahikan.




cīhamānis (ID)

ī-moyi mīthikawīyan nawasōnikīwasinahikan ita kā-pimipahtāniwik, ohcitaw poko kita-wāpahtithat ana otatoskīw kicīhamānis ita kiwithowin kā-masinahikātīk ikwa ita kā-wīkiyan. nisto māmawi kīkway kika-itōtīn.



kakī-itōtīn 1

otāpānāskowasinahikan awīkācī cīhamānis ita kimasinipīsinowin kā-nōkwahk ikwa ita kā-wīkiyan awīkācī ita kā-nitwasinahikaniyan. piyak iyakow cīhamānis katahkonīn.




kakī-itōtīn 2

nīso cīhamānisa ita kā-masinahikātīk kiwithowin. ohcitaw poko piyak cīhamānis kita-nōkwahk ita kā-wīkiyan awīkācī ita kā-masinahikātīk ita kā-nitwasinahikaniyan. niyānanomitanaw māmawi isko kikakī-wāpahtithoskān kiwithowin ikwa kimasinipīsinowin. kikakī-wāpahtīn anita mamāhtāwāpacihcikanihk www.elections.sk.ca/id.



kakī-itōtīn 3

kīspin namowitha kit-āpacihtān cīhamānis ita kiwithowin kā-nōkwahk kotak athisithiniw kā-kiskithimisk kita-kī-wihtam awina kītha ispī pimipahtāniwiki. awiyak kā-pimipahtāt piyak poko kita-kī-wihthīw kotaka kā-kiskīthimāt.



ōmisi kita-itōtaman ispī pimipahtāyini.

pahpītos isi kakī-isi-nawasōnāw onīkānīw! māka piyakwāw poko, pahpītos itī kāwī-pimipahtāniwīk.

kakī-itōtīn 1:

ispī kāwī-pimipahtāniwīk, tānima kīsikāw, ikwa tānitahto tipahikan masinahikātīwa cihamānisihk, awīkācī kakī-wāpahtīn anita www.elections.sk.ca. ita mīna kita-kipīhcīcihk otāpānāskwak kīspin awiyak āthimihtāw kita-pimohtīt ispī pimipahtāniwīki. pīsowahkan kicīhamānis ita kā-masinahikātīk kiwihthowin.

| October 2024 | | | | | | |
|--------------|----|----|----|----|----|----|
| | | 1 | 2 | 3 | 4 | 5 |
| 6 | 7 | 8 | 9 | 10 | 11 | 12 |
| 13 | 14 | 15 | 16 | 17 | 18 | 19 |
| 20 | 21 | 22 | 23 | 24 | 25 | 26 |
| 27 | 28 | 29 | 30 | 31 | | |

kakī-itōtīn 2:

kīspin kinohtī-pimipahtān ikwa kinohtī-nawasōnāw onīkānīw ita kā-sipwītisahikātīki masinahamātowina īkosi niyāk kakī-itōtīn ī-moyi kihci-pimipahtāniwīki. kakī-sākaskināhtān kiwihthowin ikwa kotak kit-ācimikowin anita www.elections.sk.ca/votebymail. ispī otinikātīki kit-acimikowin, kītisahamakawin ita kita-nawasōnat ana onīkānīw ispī mācī pimipahtāniwīki. kwayask poko kita-pimitisahaman kīkway kā-masinahikātīk. ispī kīsi-sākaskināhtāyini anima masinahikan, kāwī-kasipwītisahīn Elections Saskatchewan īmoyi poni-pimipahtāniwīk.



kakī-itōtīn 3:

kīspin namowitha kwayask kikī-waskawān, otatoskīw kita-kī-itōhtīw ita kā-wīkiyan kita-wīcihisk kita-nawasōnat onīkānīw.



kakī-itōtīn 4:

wī-pimipahtāniwīw ahkosīwikamikohk, awīkācī ita kā-kanawīthimihcik īkā kwayask kā-kī-pamihisocik, awīkācī ita kākipahocik athisthiniwak.



wihcasin ōma kāwī-pimipahtāniwik ikwa kā-nawasōniht ōnikāniw!

ōmīsi kāwī-itōcikatīk ispī pimipahtāniwiki 2024 Provincial Election (Kisiskāciwanihk kāwī-pimipahtaniwik)

1

otatoskīw kika-kwīcimik ta-wāpahtahk kicihamānis ita kā-masinahikātīk kiwihthowin ikwa ita kā-wīkiyan. kīspin namowitha kit-ayān cihamānis kotak awiyak kā-kiskīthimisk takī-wihtam awina kītha.




2

otina anima masinahikan ita kā-masinahikāsohcik aniki kā-pimipahtācik ikwa kā-nohtī-nīkānistahkwāw ihtāwin.




3

pāskīkina anima masinahikan. masinaha X anita wihthowinihk ana kā-nawasōnat ōnikāniw. kīspin kipatasinahikān kakwīcim ana otatoskīw ikwa kotak masinahikanis ka-mīthik.



4

othīkana anima masinahikanis. kāwitha awiyak wihtamaw. kāwitha kotak awiyak wāpahtith awina ana kā-nawasōnat. kāwitha mīna cikāstīpita anima masinahikanis, ikwa mīna kāwitha wihta anita mamahtāwāpacicikanihk.



5

otatoskīw kā-kiskinohtahik ita kita-asowatāyin anima masinahikanis.



kīspin kinohtī-wīchikawin, wīsām kiwīcīwākan, ahpō kakwīcim otatoskīw. masinahikanahtik ihtakow, mīna aspasinahikākan, ikwa kā-mahkipihtihk wāpimon, ikwa kotaka masinahikana ihtakwana. kīspin kinohtī-wīchikawin kita-ayamihtāyin masinahikana ita kā-nawasōniht ōnikāniw, āpacihtā kicayamākanis.

**ācimowasinahikan, awina kā-
nawasōniht, ikwa kotak ācimowin
kita-masinahikātīw anita Elections
Saskatchewan website, [www.
elections.sk.ca](http://www.elections.sk.ca), īkota kahkithaw
kīkway kita-masinahikātīw ācimowin.**

kiwihthowin akihtīw.



**SK 2024
VOTES**